

Buki "Mi Aruba Bunita" di Digna Lacle-Herrera awor a yega

Cu ayudo di UNOCA

ORANJESTAD (AAN): UNOCA ta presenta otro publicacion di un autor local, e di dos di Digna Lacle-Herrera cu ta un coleccion di poesia dedica na Aruba. E buki ta titula "Mi Aruba Bunita".

Digna a nace na Corsou

dia 1 di November 1925.

Durante Guerra Mundial II tabata tin hopi scarsedad di maestro den enseñansa y a scoge Digna pa bay para dilanti di klas. E tabata tin diesseis aña y el a haya un permiso special di Gobernador Wouters pa por

a traha como maestra. Siguiendo e diferente cursonan, DML a completa su formacion como educador. Na edad di sesenta aña el a retira como maestra.

Su afirmacion cu Papiamento ta lenga di

expresion di un Arubiano, ta den e palabranan: "Na Papiamento lo mi contesta mi Señor na momento cu e bisa: bini awor."

Cu e coleccion aki, Digna ta expresa su gratitud pa por ta biba riba un isla asina bunita.

E buki aki ta obtenibel na oficina di UNOCA y na librerianan pa un prijs pagabel pa hopi hende cu ta desea di cumpre pa regala den e temporada bunita aki cu ta trece nostalgia cerca hopi di nos hendenan.